



Broj:07-07-05-21135/ 16
Sarajevo, 19.07.2016. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničko pitanje,

Zastupnik u Skupštini Kantona Sarajevo Zvonko Marić je na 17. radnoj sjednici Skupštine Kantona Sarajevo održanoj dana 28.06.2016. godine u okviru tačke dnevnog reda "Zastupnička pitanja, inicijative i odgovori" postavio zastupničko pitanje:

" U nekoliko navrata sam postavljao zastupnička pitanja koja se odnose na oblast šumarstva u kojem mogu slobodno reći na osnovu činjenica i dokaznog materijala da je riječ o organiziranom kriminalu. Usprkos tome, resorni ministar Šabić se nije udostojio do sada da odgovori na brojna pitanja iz te oblasti, što je bio obavezan po poslovniku o radu Skupštine Kantona Sarajevo.

Zbog toga se otvara prostor za sumnje, a evo i navest ću i primjer protuzakonitog zapošljavanja na pozicijama referent šumar. Naime tamo je ranije uposleno u jednoj fazi šest takozvanih šumara. Međutim, žalbe pojedinaca i nevladine organizacije i krivične prijave koje su uslijedile nakon toga, rezultirale su sudskom presudom nadležnog suda da se ponovi postupak prijave zaposlenika zbog falsifikovanih diploma, a one su u nekoj od općina uredno ovjerene kao duplikati, ali u svjedočanstvima nije bilo nikakvih ocjena čak ni onih opisnih, što upućuje da su diplome falsifikovane i time počinjeno krivično djelo. Sve te činjenice nisu bile dovoljne ministru Muharemu Šabiću koji je svojeručno potpisao u ponovljenom postupku prijem istih tih zaposlenika zbog kojih je sud naredio obnovljeni postupak. Pitam gospodina Šabića da li je on žirant za takve protuzakonite radnje, i da li svojim potpisom pruža pokriće za sve te protuzakonitosti?"

Odgovor:

Ministarstvo privrede – Kantonalna uprava za šumarstvo je dana 14.02.2009. godine objavilo Javni oglas za prijem u radni odnos namještenika čuvara šuma u Ministarstvu privrede – Kantonalnoj upravi za šumarstvo u četiri odjeljenja i to:

- Odjeljenje za područje općine Trnovo - 8 (osam) izvršilaca,
- Odjeljenje za područje Općina Ilidža i Hadžići - 10 (deset) izvršilaca,
- Odjeljenje za područje Općine Ilijaš - 8 (osam) izvršilaca i
- Odjeljenje za područje Općina Stari Grad, Centar, Novi Grad, Novo Sarajevo i Vogošća - 6 (šest) izvršilaca.

Nakon provedenog postupka u mjesecu februaru 2010. godine tadašnji ministar sa liste kandidata koji su ispunjavali uvjete Javnog oglasa donio je rješenja o prijemu u radni odnos za 32 čuvara šuma raspoređenih po odjeljenjima iz oglasa na radna mjesta na koja su kandidati konkurisali.

Nezadovoljni tada odlukom ministra dva kandidata Tajić Mirsad i Kerla Ahmed su tužbom pokrenuli postupak kod nadležnog suda u Sarajevu. Nakon okončanja postupka sud je svojom presudom broj: 65 0 P 118343 09 P od 05.07.2013. godine, a koja je postala konačna 02.07.2015. godine nakon što je Kantonalni sud odbio kao neosnovanu žalbu izjavljenu od strane Pravobranilaštva Kantona Sarajevo na prvostepenu presudu suda.

Naprijed navedenom presudom sud je poništio rješenja o prijemu u radni odnos u dijelu raspisanog Javnog oglasa i to za Odjeljenje za područje Općina Stari Grad, Centar, Novi Grad, Novo Sarajevo i Vogošća za 5 (pet) primljenih kandidata i to: Abaz Hasib, Balaš Sejdalija, Ibreljić Faik, Mustajbegović Emir i Memić Amer, te naložio da se izvrši ponovni izbor kandidata na radna mjesta u navedenom odjeljenju.

Postupajući po konačnoj presudi Općinskog suda u Sarajevu ovo ministarstvo je donijelo rješenja o prestanku radnog odnosa za Abaz Hasiba broj:07-01-34-2-54 od 31.8.2015.godine, Balaš Sejdalije broj:07-01-34-2-53 od 31.8.2015. godine, Ibreljić Faika broj:07-01-34-2-56 od 31.8.2015. godine, Memić Amera broj: 07-01-34-2-55 od 31.8.2015. godine dok je Mustajbegović Emiru rješenjem broj:07-01-34-2-52 od 3.12.2013. godine prestao radni odnos zbog dvije uzastopne negativne ocjene rada.

Takođe postupajući po presudi komisija je ponovo utvrdila listu kandidata koji ispunjavaju uvjete Javnog oglasa i listu kandidata koji ne ispunjavju uvjete Javnog oglasa, te utvrdila listu uspješnih kandidata na radna mjesta čuvara šuma u Ministarstvu privrede – Kantonalnoj upravi za šumarstvo Odjeljenje za područje općina Vogošća, Stari Grad, Novi Grad i Novo Sarajevo.

Sa liste uspješnih kandidata ministar je u skladu sa presudom Općinskog suda izvršio ponovni izbor namještenika po Javnom oglasu i donio rješenja o prijemu u radni odnos za: Abaz Hasiba, Balaš Sejdaliju, Ibreljić Faika, Memić Amera i Bešlija Nihada.

Prema presudi nadležni sud je naložio "ponovni izbor kandidata na radna mjesta" , i nije svojom odlukom odredio ko od kandidata može, a ko nemože biti primljen u radni odnos.

Takođe zadatak komisije jeste da samo sastavi listu kandidata koji ispunjavaju i koji ne ispunjavaju uvjete Javnog oglasa, a što je ista i uradila.

Komisija nema nadležnost da ispituje ispravnost dokumenata kandidata odnosno da li se radi o falsifikatu ili drugom neispravnom dokumentu. To utvrđuje samo nadležni sud, a do danas ovom ministarstvu niko se nije obratio sa dokumentom izdatim od suda de je nečija diploma ili neki drugi dokument falsifikovan. Takođe Kantonalno tužilaštvo nije zbog falsifikata protiv nekog od kandidata podiglo optužnicu.

Iz svega naprijed navedenog vidi se da je ovo ministarstvo postupilo po presudi Općinskog suda odnosno donijelo rješenja o prestanku radnog odnosa za navedena lica, da je komisija sastavila listu kandidata koji prema Javnom oglasu ispunjavaju uvjete istog na kojoj su se nalazili primljeni kandidati, te da je sa iste ministar u skladu sa članom 25. Zakona o namještenicima u organima državne službe u Federaciji BiH odabrao kandidate koji su ispunjavali uvjete.

MINISTAR

Dr Muharem Šabić

Dostavljeno:

1. Naslovu,
2. Vladi Kantona Sarajevo/Stručnoj službi Vlade KS,
3. Evidenciji,
4. a/a.



web: <http://mp.ks.gov.ba>

e-mail: mp@mp.ks.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1



